



**MINISTERIO
DA SAÚDE**

Serviços da Saúde

Municipal (SSM) de Bobonaro

Rua : Soso – Maliana

Telp. (+670) 2330418

Centro da Saúde Atabae.

No ref.../19.../ CS/ Atb/Admin/VII/2017

Hato,o ba : Presidente Timor Foundation.(Sr.Dr. Jose Ramos Horta)

: Director Scope Asia (sra. Barbara Lietz)

Assuntu : Karta Agradesementu.(Relatorio Badak).

Ho respeita:

Liu husi Karta ida ne,e ami husi Centru da Saude Atabae representa comunidades Atabae nia naran hakarak hato,o ami nia agradesementu ba Presidente Timor Foundation ho sra. Barbara Lietz, nebe ho laran diak suporta ona ami TRANZ WATER SYSTEM hodi instala iha Centru da Saude Atabae. Ami mos agrade se tamba iha fatin barak maka presisa maibe ami hetan prioridade husi ita bo,ot sira.

TRANZ WATER SYSTEM nebe Timor Fondation fo apio mai ami iha centru da Saude Atabae ami sente kontente tebes tamba bele fo benefisiu nebe bo,ot tebes ba ami no comunidades Atabae .

Benefisiu husi Equipamentus TRANZ WATER SYSTEM ba Centru saude Atabae no comunidades Atabae maka hanesan tuir mai ne,e:

1. Benefisiu ba Pasiante no comunidades nebe mai halo tratamentu saude iha centru saude Atabae sira la konsumu ona be,e nebe kontamina ho bacteria no sira mos la hasai osan hodi sosa Aqua.
2. Fo benefisiu ba pessoal saude sira nebe halao knar professional no administrative iha Centru da saude Atabae no mos fo benefisiu ba pessoal saude sira nebe hela iha residencia no sira nia familia tamba durante sira konsumu be,e posu nebe kontamina ho bacteria maibe agora sira konsumu ona be,e nebe livre husi bacteria.
3. Fo mos benefisiu ba comunidades Atabae liu-liu sira nebe hela besik iha centru saude Atabae, tamba durante ne,e comunidades barak mak usa be,e posu hodi konsumu nebe maka dala ruma fo impaktu la diak ba sira nia Saude, maibe wainhira ita tau TRANZ WATER SYSTEM iha centru da saude Atabae comunidades barak maka asesu ba be,e refere .
4. Benefisio em geral katak ho Apoio TRANZ WATER SYSTEM iha Centru Saude Atabae bele kontribui ona ba comunidades Atabae hodi redus moras RINS iha futuro tamba estudu hatudu katak Timor oan barak hetan moras RINS tamba Konsumu be,e nebe kontaminadu, no mos bele kontriui hodi redus moras sira nebe nia kausa mai husi konsumu be,e nebe la mos hanesan Diarea no selik seluk tan.

5. kontribui ona ba komunidadas nebe asesu ba be,e refere sei la tesi ai ona hodi nono be,e ne,e mos kontribui ba ita nia ambiente nebe mos, saudavel no kontribui ona hodi hamenus desastre nebe impakto husi elnino iha ita nia rai.

La halunha mos ami nia agradesementu no komunidadas Atabae hatu,o obrigado bo,ot ba equipa tecnica husi Timor Foundation nebe maka mai halo survey fatin no halo instalasaun ba TRANZ WATER SYSTEM iha centru da saude Atabae nebe fo benefisiu ba povu Atabae engeral liu-liu ba sira nebe mai halo tratamentu iha facilidade refere no komunidadas nebe hela besik iha centru saude refere nebe asesu ba be,e iha Centru saude Atabae.

Ami mos husu nafatin ita bo,ot sira nia suporta ba manutensaun equipamentus TRANZ water system iha future karik iha problema tecnica, ami mos husu tulun ba president Timor foundation atu kontinua suporta ami nia komunidadas iha Aldeia sulilaran nebe maka ita bo,ot sira identifica ona tamba tuir ami nia hare katak komunidadade iha aldeia refere usa hamutuk be,e posu ida deit nebe tuir ami nia hare katak be,e ne,e iha kontaminasaun bo,ot maibe sira tenki usa tamba laiha tan be,e iha fatin seluk atu sira usa hodi konsumu, tamba ne,e tuir ami nia hanoin katak alternative maka tau TRANZ WATER SYSTEM ida iha fatin refere.

Maka ne,e deit ami nia karta agradesementu no mos hanesan relatorio badak ida konaba Apoio equipamentus TRANZ WATER SYSTEM iha Centru Saude Atabae, ba ita bo,ot sira nia laran diak no koperasaun la halunha ami hatu,o obrigado wai'n.

Foto iha Anesu..

Atabae 21 de Junho de 2017

Chefe Centru da Saude Atabae



Ana do Rosario Assis Belo